



Tilleggsinnkalling for Kommunestyret i Radøy

Møtedato: 15.06.2017

Møtestad: Kommunestyresalen

Møtetid: 18.00

Saksliste:

Saksnr	Tittel
033/2017	Revidering av kommunedelplan for avløp 2016-2020
034/2017	Revidering av kommunedelplan for vatn 2016-2020

SPØRJETIME: Det vert spørjetime kl. 18.00. For utfyllande svar må spørsmål vera på rådhuset seinast 48 timer før spørjetimen tar til. Siste frist for å melda inn spørsmål er seks timer før møtestart.:

Den som har lovleg forfall eller er ugild i nokon av sakene må melda i frå til kultur- og sørvistorget så snart som råd, tlf 56 34 90 00. Varamedlemmer møter etter nærmere innkalling.

10. januar 2018

Jon Askeland
møteleiar

Arthur Kleiveland
utvalssekreter

Radøy kommune

Saksframlegg

Saknr	Utval	Type	Dato
021/2017	Hovudutval for plan, landbruk og teknisk	PS	10.05.2017
033/2017	Kommunestyret i Radøy	PS	15.06.2017

Sakshandsamar	Arkivsaknr.:	Dokumentnr.:
Tore Rikstad	16/1343	17/5004

Revidering av kommunedelplan for avløp 2016-2020

Saksopplysingar:

Nye opplysningar i saka

Saka har vore ute til offentleg ettersyn. Innan fristen kom det inn følgjande merknader:

I samband med plan for framføring av vatn Vetås – Haukeland – Storheim etterlyser også Vetås Bygdelag plan for offentleg avløp på strekninga.

Byggjenemnda har fatta følgjande vedtak knytt til innspelet:

«*Byggjenemnda si vurdering er at dersom tiltaket skal inn i planen må det utarbeidast ein plan for samordning og eigna felles traséval for tiltaka saman med ei kostnadsramme. Byggjenemnda kjem tilbake til saka når konsulent har utarbeidd nytt forslag*»

Tiltaket er ikkje tatt med i handlingsplanen.

Kommentar frå kommuneoverlege:

«*Kommunehelsetenestelova er oppheva. Det er Folkehelselova og(evt. Helse/omsorgstenestelova) ein då må vise til*»

Elles har kommuneoverlegen kome med merknader til at dokumentert forureining i sjøen i Bøvågen kan få konsekvensar for dei som måtte nytta rekreasjonsanlegget der til t.d. bading:

«*Eg har diskutert dette med teknisk inpektør i miljøretta helsevern, som kan få tatt vannprøvar der som vi gjer ved andre badestader i regionen. Generelt spør eg derfor om den nye planen for vann og avløp kanskje burde kunne vise til vannprøvar der det er rekreasjonsområde eller der det blir bada i nærheit av avløp og avløpsanlegg? Dette for å forebygge at befolkningen ikkje blir utsett for*

forureinsing dersom dei skal bade».

Vurdering

Planen er ei vidareføring av gjeldane plan og omhandlar mål for avløpshandteringa og skildrar status og hovudtrekk for avløpsutbygging i Radøy i planperioden. Planen skal og vera grunnlag for kommunen si prioritering både når det gjeld utbygging av anlegg og drift av avløpssystemet. Gjennomføringsplanen viser også tal for investeringar. Av prioriterte tiltak kan nemnast :

- Nytt hovudreinseanlegg på Manger
- Sanering rundt Mangersvågen
- Rehabilitering leidningsnett i Bøvågen

Konklusjon

Hovudplan for avløp kan godkjennast slik den ligg føre med merknad om at dersom avløp for strekninga Vetås-Haukeland- Storheim vert lagt inn i hovudplanen, må det utarbeidast ein plan for samordning og eigna traséval både for vatn og avløp.

Rådmannen sitt framlegg til vedtak:

Framlegg til hovudplan for avløp vert godkjent slik den ligg føre, med merknad om at plan for avløp Vetås-Haukeland –Storheim vert lagt inn i planen.

Hovudutval for plan, landbruk og teknisk - 021/2017

PLT - handsaming:

Det kom spørsmål om rådmannen sitt framlegg til vedtak inneber at strekninga Vetås-Storheim skal vurderast av konsulent og evt. leggast inn i planen når slik vurdering ligg føre. Dette vart stadfestat av administrasjonen. Utvalet peika på at det er viktig med ei prinsippavklaring om tilkopling til nytt leidningsnett for avløp. Det vart vist til Sletta, der det framleis er eit potensiale for å knytta seg til det kommunale avlaupsnettet.

Utvalet gav signal om at det er viktig å halda oppe utbyggingstakten i tråd med planen, og at eventuelle tilpassingar kan gjerast gjennom rullering av handlingsplan.

Hovudutvalet vedtok rådmannen sitt framlegg til vedtak.

PLT - vedtak:

Framlegg til hovudplan for avløp vert godkjent slik den ligg føre, med merknad om at plan for avløp Vetås-Haukeland –Storheim vert lagt inn i planen.

Vedlegg:

Radøy Hovedplan avløp (3)

Revidering av kommunedelplan for avløp 2016-2020_14_09_16

Radøy kommune

Saksframlegg

Saknr	Utval	Type	Dato
022/2017	Hovudutval for plan, landbruk og teknisk	PS	10.05.2017
034/2017	Kommunestyret i Radøy	PS	15.06.2017

Sakshandsamar	Arkivsaknr.:	Dokumentnr.:
Tore Rikstad	16/1342	17/4387

Revidering av kommunedelplan for vatn 2016-2020

Saksopplysingar:

Nye opplysningar i saka

Saka har vore ute til offentleg ettersyn. Innan høyringsfristen, er det kome inn følgjande merknader:

Framføring av vatn Vetås-Haukeland-Storheim:

Vetås Bygdelag stiller seg svært positiv til forslaget om at etablering av vassforsyning til Vetås-Haukeland-Storheim vert tatt med i planen, men etterlyser samtidig plan for avløpsnettet på same strekninga.

Byggjenemnda har fatta følgjande vedtak knytt til dette innspelet:

«Byggjenemnda si vurdering er at dersom tiltaket skal inn i planane må det utarbeidast ein plan for samordning og eigna felles traseevalg for tiltaka saman med ei kostnadsramme. Byggjenemnda kjem tilbake til saka når konsulent har utarbeidd nytt forslag».

I investeringsplanen er tatt med kostnader for strekninga for utføring i 2019.

Framføring av vatn til Mangersnes:

Kvalheim Eigedom AS har kome med merknader om at framføring av ny vassleidning med bakgrunn i nytt bustadfelt på Mangersnes ikkje er med og viser m.a. til godkjent VA-rammeplan for området. Ved ei utbygging er det behov for auka vasskapasitet utover det ein har i dag og slik det også går fram av VA-rammeplanen. Det ligg ikkje føre avtale om at det er kommunen som skal føra ny vassleidning fram til Mangersnes. Dersom kommunen skal gå inn og ta del i framføringa og liggja dette inn i planen er det framføringa gjennom sjølve Nesvatnet som vert vurdert. Kostnadene med denne framføringa er ikkje avklart, men vurdert til ca. kr. 500.000,-

Byggjenemnda har fatta følgjande vedtak knytt til dette innspelet:

«Under føresetnad av at det blir framdrift i utbygginga i planperioden og ei deling av kostnaden med ein ½ part kvar, vil byggjenemnda tilrå at t iltaket vert lagt inn i hovudplanen i denne perioden».

Det er kome inn søknad om framføring av vatn frå Sætre til Listveiten.

Byggjenemnda har fatta følgjande vedtak knytt til dette innspelet:

«Tiltaket inngår ikkje i hovudplan for vatn og byggjenemnda ser ikkje på dette som ei kommunal utbygging i planperioden. Byggjenemnda vil tilrå at dersom oppsitjarane likevel ønskjer å føra vatnet via eit dugnadsprosjekt kan det søkjast om tilskot til dekning av noko av utgiftene. Retningslinene for tildeling er under arbeid».

Saka er lagt fram for formannskapet og kommunestyret.

I sak KS-006/2017 er det fatta følgjande vedtak:

«Søknaden om framføring av kommunalt vatn til Listveiten gjennom Mykingsvatnet til kum på Listveiten som grunneigarane kan kopla seg til, vert imøtekomen. Det er eit vilkår at fleirtalet av oppsitjarane på Listveiten inngår avtale med kommunen om å knyta seg på det kommunale vassverket. Kommunen ser positivt på at grunneigarane tek på seg kostnadene med grøfta opp frå Mykingsvatnet til kum på Listveiten. Arbeida vert å starta opp snarast slik at at anlegget vert ferdigstilt i 2017. Kostnaden med anlegget vert dekka av løyvde midlar til vassverket i budsjettet for 2017.»

Framføring av vatn i ny vegtrase Marås-Haukåsen:

Det er i hovudplanen lagt inn ny vassleidning mot planlagt høgdebasseng i Haukåsen gjennom Hallandsvatnet.

Bakrunnen for å vurdera alternativet med å byggja ein ny vassleidning i den nye vegtraseen er å sjå på moglege innsparinger når arbeida vert samordna samtidig med utbygginga av vegen. Det er utarbeidd eit notat frå konsulent Asplan Viak om dette.

I begge alternatiav må planlagt høgdebasseng i Haukåsen vera med.

Byggjenemnda har fatta følgjande vedtak knytt til dette innspelet:

«Sjølv om det framleis er uklart kva alternativ som vert den beste løysinga for kommunen, ønskjer byggjenemnda at det vert utarbeidd tilbodsgrunnlag for framføring av vassleidningen i den nye vegen og at dette vert oversendt Statens vegvesen slik at dette vert lagt inn i tilbodsgrunnlaget for vegen som ein opsjonspris der kommunen tar etterhald om at prosjektet kan trekkest ut utan kostnad for Radøy kommune.»

Kommentar frå kommuneoverlege:

«Kommunehelsetjenesteloven er opphevet. Det er Folkehelseloven og (evt. Helse omsorgstjenesteloven) en må vise til».

Kommunal byggjenemnd har kome med innspel om at det årleg bør setjast av kr. 400.000,- som

bygdene kan søkja om få nytta til framføring av kommunalt vatn. Det er ikke konkretisert korleis denne posten skal kunne nyttast. Rådmannen arbeider med framlegg til sak om ei ordning med slikt tilskot til dugnadsmidler, eller anna ordning for å søkja på midlar samt retningsliner for søknad og kriterier for tildeling.

Vurdering

Det er i hovudplanen lagt opp til realistiske mål og gjennomføringsplanen viser prioritert rekkefølge og tal for investeringar i planperioden. Av nokre prioriterte tiltak kan nemnast:

- Etablering av nytt høgdebasseng i Haukåsen(styrkar forsyningstryggleiken)
- Utskifting av vassleidning Øvre Kvalheim mot Kvalheimsneset(styrkar forsyningstryggleiken)
- Utskifting av vassleidning Litlavatnet-Sæbøvågen(styrkar forsyningstryggleiken)

Konklusjon

Med bakgrunn i vedtak i byggjenemnda er framføring av vatn frå Vetås fram til Haukeland og Storheim foreslått lagt inn i planen og med bakgrunn i Kommunestyret sitt vedtak vert framføring av vatn til Listveiten også lagt inn i planen.

Rådmannen sitt framlegg til vedtak:

Framlegg til hovudplan for vassforsyning vert godkjent med merknad om at vassforsyning til Listveiten kjem med i planen for utføring i 2017.

Hovudutval for plan, landbruk og teknisk - 022/2017

PLT - handsaming:

Utvalet gav signal om at administrasjonen bør vurdera å leggja vassleidning via Leirvik når det vert arbeidd med løysinga for vassleidning gjennom Hallandsvatnet (evt. i den nye vegtraséen) fram til høgdebassengen i Haukåsen. Vidare vart det peika på at ei framtidig kopling mellom vassleidning på Solheim/Tjore og Storheim kan bidra til å styrka leveringstryggleiken i området. Utvalet ønskjer også at administrasjonen skal vurdera problemstillinga knytt til behov for trykkaukestasjon ved utbygging av vassbasseng i Haukåsen.

Hovudutvalet vedtok rådmannen sitt framlegg til vedtak.

PLT - vedtak:

Framlegg til hovudplan for vassforsyning vert godkjent med merknad om at vassforsyning til Listveiten kjem med i planen for utføring i 2017.

Vedlegg:

Radøy Hovedplan vassforsyning

Revidering av kommunedelplan for vatn 2016-2020_vedtak_HPLT_14_09_16

Revidering av kommunedelplan for vatn 2016-2020_HPLT_26_10_16